

SULIT

**PEMBERITAHUAN PERTANYAAN DEWAN RAKYAT
MESYUARAT KETIGA, PENGGAL KELIMA
PARLIMEN KETIGA BELAS**

PERTANYAAN : LISAN

**DARIPADA : DATUK HAJAH NORAH BINTI ABD
RAHMAN
[TANJONG MANIS - BN]**

TARIKH : 31 OKTOBER 2017 (SELASA)

SOALAN NO. 32

Minta **MENTERI BELIA DAN SUKAN** menyatakan peratusan golongan belia yang terlibat dalam bidang keusahawanan khususnya di Sarawak serta langkah jitu Kerajaan bagi mengelakkan keciciran penyertaan belia luar bandar dalam bidang ini.

SULIT

JAWAPAN

Yang di-Pertua,

1. Untuk makluman Ahli Yang Berhormat, sebagai usaha untuk menggalakkan golongan belia menceburi bidang keusahawanan dan perniagaan, Kerajaan melalui Suruhanjaya Syarikat Malaysia (SSM) telah menawarkan pakej pemberian insentif yang dikenali sebagai **Skim 1 Pelajar 1 Perniagaan (Skim 1P1P)** yang melibatkan golongan belia, khususnya pelajar. Melalui skim ini, mereka boleh mendaftarkan perniagaan mereka dengan SSM untuk tempoh setahun secara percuma, tertakluk kepada syarat-syarat yang telah ditetapkan. Sehingga 30 September 2017, sebanyak **14,574 perniagaan** telah didaftarkan di bawah skim ini di seluruh negara.

2. Selain itu juga, antara program yang dijalankan oleh Kementerian bagi mengelakkan keciciran penyertaan belia luar bandar dalam bidang ini ialah pelaksanaan latihan dan program berbentuk *outreach* seperti Karnival Business On Truck, Seminar Persijilan Halal dan Kursus Belia Tani. Belia juga boleh melibatkan diri dalam bidang ini melalui portal *Young Entrepreneurial Network (YEN)*. Melalui portal ini, belia dapat mengakses maklumat dan memohon latihan serta pembiayaan yang telah ditawarkan oleh rakan strategik dari pelbagai jabatan dan agensi. Program-program ini dapat disertai oleh semua belia bandar dan luar bandar dan dalam semua semua sektor.

Sekian, terima kasih.